

## **A Impande zihanganye:**

### **❖ Umugaba w'ingabo z'Imana.**

- Igihe Yosua yasengaga ari hafi ya Yeriko asaba ubuyobozi bw'Imana mu kwigarurira uwo murwa, umurwanyari ufite inkota yahagaze amwerekeye (Yosua 5:13).
- Ubwo Yosua yamubazaga, uyu mugabo yahakanye kuba mu ngabo izo ari zo zose zo ku isi. Yari Umugaba w'ingabo z'Imana (Yosua 5:14).
- Mu gusaba kuramywa, yerekanye ko ari Imana ubwayo, muri Yesu—uzwi nka Mikayeli mu gitabo cya Daniyeli (Yosua 5:15; Daniyeli 12:1).
- Isengesho ryari ryasubijwe. Imana ubwayo yayoboye urwo rugamba, bitera Yosua kwituriza. Nk'umuyobozi ugaragara wa Isirayeli, Yosua yagombaga gusa gukurikiza amategako y'Umugaba w'Ikirenga nyakuri: Imana.

### **❖ Umutware w'ingabo z'ikibi.**

- Dushobora kuvuga ko ari we wadukanye intambara. Yaremwe ari umutware; umukerubi wo mu rwego rwo rusumba izindi; uba iruhande rw'Imana; yagenderaga mu birimi by'umuriro; akomeye; atunganye... (Ezekiyeli 28:12–15).
- Yahawe umudendeze wo guhiramo—kimwe n'ibindi biremwa by'Imana byose bifite ubwenge—Lusiferi yahisemo kwigomeka no kwiyitirira intebe y'Imana (Yesaya 14:12–14).
- Nubwo kwigomeka kwe kwaneshejwe, kuva icyo gihe isanzure ryinjiye mu ntambara. Satani amaze kwigarurira Isi, we n'abamarayika be bafite intego imwe: kuburizamo imigambi y'Imana yo gukiza abantu.
- Kwigarurira Kanani byari urugamba rukomeye muri ayo makimbirane.

### **❖ Intwari irusha izindi mu ntambara.**

- Imana ubwayo yerekanwe nk "nk'umurwanyari," nk'intwari irusha izindi mu ntambara (Kuva 15:3; Zaburi ya 24:8).
- Ariko Imana ntabwo irwana n'abantu, ahubwo irwana n'imbaraga z'umwuka abantu bizirikaho. Muri ubwo buryo, ibyorezo bivugwa nk'intambara yo kurwanya imana zo muri Egipta, ni ukuvuga abadayimoni (Kuva 12:12; Gutegeka 32:17).
- Imana yifuza kurandura ikibi ku isi. Ni cyo cyatumye yirukana i Kanani abari barahisemo gushyigikira Satani, maze iha igihugu abantu bari ku ruhande rwayo.
- Uyu munsu intambara irakomeje, ariko ntabwo ari iyo kwigarurira impugu. Intambara ni iya buri muryango, buri muntu. Nta ruhande rudafite aho rubogamiye ruhari. Turi kumwe n'Imana cyangwa turi kumwe n'umwanzi.

## **B Amayeri y'intambara:**

### **❖ Imana iturwanirira.**

- Umugambi w'ikubitiro w'Imana kwari ukunesha Kanani mu buryo ndengakamere, Isirayeli itagombye kurwana (Kuva 23:28). Iyo abantu batagira kutizera, ni ko byari kugenda.
- Bibiliya yanditse ingero zimwe zerekana icyo Imana ishobora gukora kugira ngo ikize ubwoko bwayo, bitabaye ngombwa ko bo bafata intwari izo ari zo zose zo kurwanya abanzi babo: Yaroshye ingabo za Egipta mu Nyanja Itukura (Kuva 14:24–28); Yakoresheje urubura irwanya Abanyakanani (Josua 10:11); Yarimbuye abasuzuguye Eliya (2 Abami 1:9–10); Yohereje idubu kurwanya abasuzuguye Elisha (2 Abami 2:23–24); Yazanye amahoro kubwo guhumisha ingabo za Siriya (2 Abami 6:14–23); Yateye Abamoni n'Abamowabu gusubiranamo (2 Ngoma 20:15–17, 22–24); Yishe Abāshūri 185.000 mu ijoro rimwe (2 Abami 19:35); Yohereje Herode indwara yica (Ibyakozwe 12:21–23).

### **❖ Turwanirira Imana.**

- Kimwe n'abo mu gihe cyabanjirije umwuzure, cyangwa ab'i Sodomu na Gomora, Abanyakanani bari bararenze ingabano z'ubuntu, barishyira mu ruhande rwa Satani (Itangiriro 6:5; 18:20–21; 15:16).
- Bose bari bakwiriye urupfu rwa kabiri, urupfu rw'iteka. Kubaha gukomeza kurambira hano ntabwo byajyaga guhindura amaherezo yabo. Maze muri icyo gihe (kwigarurira Kanani), Imana yemerera Isirayeli kugira uruhare mu kubatsemba.
- Kuki itabyikoreye yonyine, nkuko yari yarabiteguye? Kubera kutizera kwabo. Isirayeli yasogongeye ku ntambara bwa mbere nyuma yo gutangaza bati "Mbese Uwiteka ari hagati muri twe cyangwa ntahari?" (Kuva 17:7–9).
- Mu kugira uruhare rugaragara mu ntambara (igaragara kuri bo, iya mwuka kuri twe), dukuramo kwiringira bidasubirwaho ubufasha bw'Imana.